

Ո Ր Ո Շ ՈՒ Մ Թ Ի Վ 300/6
Վարչական տույժ նշանակելու մասին

«21» հունիսի 2022թ.

ք. Վանաձոր

ՀՀ ՊԵԿ Արևելյան մաքսատուն-վարչության պետ Գոռ Բակլաչյանս, ուսումնասիրելով Հայաստանի Հանրապետության քաղաքացի Կարապետ Յուլակի Գաբրիելյանի /անձն. AT0444374, հասցեն՝ 1817, ԼՈՌԻ, ՍՊԻՏԱԿ, ԱՐՋՀՈՎԻՏ 10 Փ. ՆԿՈՒՂ 7, 0025ք. Երևան Չարենցի 2-րդ նրբ., տ.38, ծնված՝ 20.10.1992թ./ կողմից, մաքսային կանոնների խախտման վերաբերյալ նյութերը,

Պ Ա Ր Զ Ե Ց Ի

ՀՀ քաղաքացի Կարապետ Գաբրիելյանն 2021թ. դեկտեմբերի 17-ին ՀՀ է ներմուծել՝ 735 կգ ընդհանուր քաշով ցորեն, 750 կգ ընդհանուր քաշով գարի և 360 կգ ընդհանուր քաշով խոտի սերմեր, որը նույն օրը հանձնվել է մաքսային մարմինների ժամանակավոր պահպանմանը: Ժամանակավոր պահպանման ժամկետը ավարտվել է 18.04.2022 թվականին: Նշված ապրանքների վերաբերյալ սահմանված ժամկետում Կարապետ Գաբրիելյանն մաքսային հայտարարգիր չի ներկայացրել, որի համար կազմվել է ապրանքների և դրանց վերաբերյալ փաստաթղթերի արգելապահման արձանագրություն:

Փաստի առթիվ ՀՀ ՊԵԿ Արևելյան մաքսատուն-վարչության Բազրատաշենի մաքսային կետ-բաժնի մաքսային գլխավոր տեսուչ-իրավաբանի կողմից 20.05.2022 թվականին Կարապետ Գաբրիելյանի նկատմամբ կազմվել է մաքսային կանոնների խախտման վերաբերյալ արձանագրություն ՀՀ ՄՕ 194-րդ հոդվածի հատկանիշներով:

Նշանակվել է գործի քննություն 21.06.2022 թվականին ժամը 11:00-ին, որի վերաբերյալ վերջինս պատշաճ ծանուցվել է, սակայն վարչական վարույթի քննարկմանը չի ներկայացել:

ԵՏՄ մաքսային օրենսգրքի 101-րդ հոդվածի 1-ին կետի 1-ին պարբերության համաձայն՝ ապրանքների ժամանակավոր պահպանման ժամկետը հաշվարկվում է ապրանքները

Ժամանակավոր պահպանման հանձնելու համար ներկայացված փաստաթղթերը մաքսային մարմնի կողմից գրանցվելու օրվան հաջորդող օրվանից և կազմում է 4 ամիս՝ բացառությամբ սույն հոդվածի 2-րդ կետում և սույն Օրենսգրքի 259-րդ հոդվածում նշված դեպքերի:

Նույն օրենսգրքի 110-րդ հոդվածի 1-ին կետի համաձայն՝ միության մաքսային տարածք ներմուծվող ապրանքների մասին մաքսային հայտարարագիրը ներկայացվում է մինչև ապրանքների ժամանակավոր պահպանման ժամկետի լրանալը կամ սույն Օրենսգրքով սահմանված այլ ժամկետում:

ՀՀ մաքսային օրենսգրքի 189-րդ հոդվածի 1-ին մասի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն:

Նույն հոդվածի 2-րդ մասի համաձայն՝ ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ ՄՕ 194-րդ հոդվածի համաձայն՝ սահմանված ժամկետում մաքսային մարմիններին ապրանքների և տրանսպորտային միջոցների վերաբերյալ մաքսային հայտարարագիր չներկայացնելը, ինչպես նաև մաքսային հսկողություն իրականացնելու համար ապրանքների և տրանսպորտային միջոցների վերաբերյալ անհրաժեշտ փաստաթղթերը չներկայացնելը՝ անկախ գրավոր հայտարարագիր ներկայացնելուց՝ առաջացնում է տուգանքի նշանակում՝ 50,000 դրամի չափով:

Վարչական իրավախախտումների վերաբերյալ ՀՀ օրենքի 37-րդ հոդվածի 3-րդ պարբերության համաձայն՝ մաքսային կանոնների խախտման վերաբերյալ գործերով վարչական տույժը կարող է նշանակվել իրավախախտումը հայտանաբերվելու օրվանից երկու

ամսվա ընթացքում, սակայն ոչ ուշ, քան իրավախախտումը կատարելու օրվանից 3 տարվա ընթացքում:

ՀՀ ՄՕ 219 հոդվածի 2-րդ մասի ուժով սույն վարչական գործը քննվել է վերջինիս բացակայությամբ /Գործը կարող է քննվել նաև տվյալ անձի բացակայության դեպքում, եթե քննության տեղի ու ժամանակի մասին սահմանված կարգով նրան տեղյակ է պահվել, սակայն վերջինիս կողմից որևէ միջնորդություն չի հարուցվել, կամ եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության սահմաններից դուրս: Վերջինս ըստ ՀՀ ՊԵԿ ներքին անվտանգության վարչության կողմից ներկայացված տեղեկատվության գտնվում էր ՀՀ սահմաններից դուրս:

Վարչական վարույթի նյութերի ուսումնասիրության ընթացքում պարզվել է, որ ՀՀ քաղաքացի Կարապետ Գաբրիելյանն 2021թ. դեկտեմբերի 17-ին ՀՀ է ներմուծել՝ 735 կգ ընդհանուր քաշով ցորեն, 750 կգ ընդհանուր քաշով գարի և 360 կգ ընդհանուր քաշով խոտի սերմեր, որը նույն օրը հանձնվել է մաքսային մարմինների ժամանակավոր պահպանմանը: Ժամանակավոր պահպանման ժամկետը ավարտվել է 18.04.2022 թվականին: Նշված ապրանքների վերաբերյալ սահմանված ժամկետում Կարապետ Գաբրիելյանն մաքսային հայտարարգիր չի ներկայացրել, որի համար 20.05.2022թ.-ին կազմվել է ապրանքների և դրանց վերաբերյալ փաստաթղթերի արգելապահման արձանագրություն: Սահմանված ժամկետում Կարապետ Գաբրիելյանն ապրանքների վերաբերյալ մաքսային մարմիններին չի ներկայացրել մաքսային հայտարարգիր:

Այսպիսով նյութերով պարզվել է, որ Կարապետ Գաբրիելյանի արարքում առկա է 17.12.2014թ. ՀՕ-241-Ն «Մաքսային կարգավորման մասին» օրենքի 259 հոդվածի 4-րդ կետի ուժով գործող 06.07.2000թ. ՀՀ ՄՕ-ի 194 հոդվածով նախատեսված մաքսային կանոնների խախտման հատկանիշներ:

Ելնելով վերոգրյալից և ղեկավարվելով ՀՀ ՄՕ 194, 206, ՎԻՎՕ 214, 234 հոդվածներով՝

Ո Ր Ո Շ Ե Ց Ի

1. ՀՀ մաքսային օրենսգրքի 194-րդ հոդվածով նախատեսված մաքսային կանոնների խախտում կատարելու համար, Կարապետ Գաբրիելյանին ենթարկել վարչական պատասխանատվության՝ տուգանելով 50000 ՀՀ դրամի չափով:
2. Որոշման մասին հայտնել Կարապետ Գաբրիելյանին:
3. Պարզաբանել, որ ՀՀ մաքսային օրենսգրքի 221-րդ հոդվածի 2-րդ մասի համաձայն որոշումն ուժի մեջ է մտնում այն կայացնելու պահից և համաձայն ՀՀ ՄՕ 222-րդ հոդվածի 2-րդ մասի որոշումը կարող է բողոքարկվել վերադաս մաքսային մարմին (պաշտոնատար անձին) կայացնելուց հետո՝ 10 օրվա ընթացքում կամ ՀՀ վարչական դատարան՝ ՀՀ վարչական դատավարության օրենսգրքով սահմանված կարգով՝ երկամսյա ժամկետում:

Սույն որոշմամբ նշանակված տուգանքի վճարման հաշվեհամարն է. 900005024055՝ (Արևելյան մաքսապուն-վարչություն, ԿՈՂ 29):

ԱՐԵՎԵԼՅԱՆ ՄԱՔՍԱՏՈՒՆ-
ՎԱՐՉՈՒԹՅԱՆ ՊԵՏ



ԳՈՌ ԲԱԿԼԱՉՅԱՆ